



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 447010
Centrala: 032 447000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Grad Zenica
n/r Gradonačelnik

Zenica, 10.10.2019. god.

Vaš broj,

Naš broj, 20/1- 9883/1

PREDMET: Vlasničko-pravni odnosi na nekretninama JU Kantonalna bolnica Zenica

U vezi Vašeg akta broj 02-49-21739 od 4.10.2019. godine kojim predlažete potpisivanje sporazuma o prenosu vlasništva nad zemljištem i objektima u krugu JU Kantonalna bolnica Zenica uz uslov da Vlada Zeničko-dobojskog kantona preuzme obavezu finansiranja jednog od tri projekta (projekt izgradnje kompleksa zatvorenih bazena, projekt izgradnje otvorenih bazena, projekt izgradnje žičare) kao određenu kompenzaciju za građane Zenice, dajemo slijedeći odgovor.

Rješenjem Kantonalnog suda u Zenici broj 04 0 Dn 010836 19 Gž od 5.9.2019. godine, koje je zaprimljeno u JU Kantonalna bolnica Zenica dana 8.10.2019. godine, poništena je uknjižba prava vlasništva na nekretninama označenim kao k.č.br. 66/6, 66/1, 66/10, 66/14, 66/13, 66/2, 66/8, 66/9, 66/11, 66/12, 66/4, 66/5, 66/3, 66/7, 66/15 na Grad Zenicu i predmet je vraćen prvostepenom sudu na ponovni postupak.

Na osnovu gornjeg Rješenja, pravno je prestala mogućnost sklapanja sporazuma o prenosu vlasništva sa Grada Zenica na Bolnicu Zenica iz prostog razloga jer Grad Zenica nije vlasnik.

Obzirom da iz ostalih navoda Vašeg akta proizlazi spremnost gradske uprave za podrškom u realizaciji projekata JU Kantonalna bolnica Zenica a čija realizacija je dovedena u pitanje međusobnim sporom o vlasništvu nekretnina (zemljišta i objekata), i dalje smatramo da to pitanje možemo i trebamo riješiti mirnim putem tj. dogovorom uz uvažavanje postojećeg činjeničnog stanja i primjenom važećih zakonskih odredbi u odnosu na takvo činjenično stanje bez nerealnog uslovljavanja.

S poštovanjem.

Dostaviti:

-naslovu

-Gradsko vijeće

-Vlada ZDK putem Ministarstva zdravstva ZDK

DIREKTOR
Prof. dr. sc. prim. Rasim Skomorac

